





武威張 澍篋

巢

見姓謚



東觀記後漢帝章時司空巢堪字次朗太山南城人官太  
常時博士魯國曹褒請著漢礼堪言一代大典非褒所能  
定為司空十四年自乞上印綬賜千石俸

王僧孺百家謚河内苟超娶魯國曹巢正女

宋書中書舍人巢尚之字仲遠又為靈朔將軍按亦見寶  
泉述書賦又云巢尚之甚聰敏時百姓欲為孝或立寺疑  
其名尚之應聲曰宜名天保下報上也



隋志梁國子助教巢犄著尚書音釋三卷尚書義三卷按  
孔氏正義古文近至隨初始流河朔為正義者蔡太寶巢  
犄費彪顧彪劉炫劉焯

隨開河記太醫令巢元方診麻叔謀頭痛藥用蒸羔和服  
按唐藝文志巢元方著病源候論五十卷凡一千七百二  
十篇鄧氏引作巢公逸凌廸知以為漢人舛矣

蘇軾文集巢谷初名穀字元修眉山人與蘇軾善

氏姓謹天啓中泰興教諭巢之梁成進縣舉人巢于翔常  
州人任通判巢筠新昌人永樂進士任御史巢鳳南海人

成化舉人任威遠縣教諭

題名錄巢崑源成進人崇禎壬午進士

茅

見茅盈系

左僖二十三年傳晉殺祁驕使茅茂代之掌左旃

左昭二十三年傳魯取祁師獲徐鉏丘弱茅地杜注三子祁

大夫

趙策趙使姚賈韓魏約韓魏韓魏之茅舉為姚賈謂趙王曰賈也

王之忠臣也注趙人

孟子外書孟子曰茅亶死孝也劉熙曰茅亶騶大夫喪母



哀毀而死

史記秦博士茅焦諫嫪毐事為上卿按括地志茅焦滄州人

神仙傳咸陽茅濛字初成盈字叔申盈弟固字季偉衷字思和固衷並二千石棄官學道號三茅君濛四子偃字泰能秦昭王時仕舍人遷車騎校尉長平侯其孫熹字世倫仕莊襄王為廣信侯始皇即位以為德信侯生六子並知名

漢郭林宗傳茅容字季偉陳留人郭林宗勸力學按容為黃瓊生見風俗通

史記茅蘭梁孝王臣勸王乘布車從兩騎入關謝罪

西京雜記相工茅通相梁皇后大貴亦見東觀記

會稽先賢傳茅開字季闔餘姚人為督郵平決厭眾心嘗巡部歷其家不入門嘗路向堂朝拜府君益善之

陳書王琳故吏梁驃騎倉參軍朱瑒致書徐陵請王琳之首帝歸其首瑒葬于八公山側有壽陽人茅智勝等密送其柩于鄴

舊唐書金吾兵曹茅彙于京師貴游間以氣俠相許出李



程及逢吉之門逢吉待彙厚嘗彙書曰足下當自僕為  
自求僕當字足下為利見文字往來甚密及裴度求覲無  
計沮之即令計或昭事以暴揚其迹再榮既告李仲言誅  
彙曰言或昭身李程同謀則活否則爾死彙曰寃死甘心  
誣人以自免予不為也乃流崖州

茅夷氏見姓纂

左哀公七年傳茅夷鴻以束帛乘常自請救于吳注即茅

成子

茅成氏見路史

包

見潛夫論路史

後漢儒林傳大鴻臚包咸字子良注論語曲阿人子福拜

郎中以論語入授和帝按陸璣疏包咸師事右師細君習

魯詩王莽時去歸鄉世祖即位舉孝廉除郎中至大鴻臚

隨書博士包愷字和樂東海人兄愉明五經愷精史記漢

書按李密嘗从愷學

唐志包諝河洛春秋二卷記安祿山史思明事按唐包諝

作河洛春秋專歸功于其父趙州司戶參軍包處遂其言

多不實



唐書包佶字幼正延陵人父融集賢院學士佶擢進士屢  
官諫議大夫刑部侍郎兄何字幼嗣大厯起居舍人佶與  
何齊名世稱二包佶為鹽鐵使有錢帛八百萬將輸京  
師陳少游以為賊據長安末期收復欲疆取之佶不可少  
游欲殺之佶懼匿妻子于案牘中急濟江少游悉收其錢  
帛

宋史包拯字希仁為樞密副使廬州人謚孝肅拯子纘早  
死媳崔氏蓬垢涕泣矢志不移拯常出一媵于母家生子  
崔密撫之拯卒取子歸名纘包氏賴以不絕

郇 正字通郇姓也通作包

苞 見姓苑廣韻

苞丘氏

廣韻楚有苞丘先生按鹽鐵論大夫曰李斯與苞丘子俱  
事荀卿苞丘子修道白屋之下苞丘即淳丘子也苞淳字  
通或云即荷丘楚有荷丘子

鈔 見姓苑

正字通鈔秀正德舉人鈔奇嘉靖舉人鈔介字石嘉嘉靖  
進士任知府俱彰德人



陝西志鈔良翰高陵人萬厯丙子科舉人一作鈔良翰  
澍友漢中進士中書舍人岳震川母鈔氏

抄  
按抄即鈔字

統謚永樂中舉人抄思歸善人

膠

史記紂臣膠鬲紂使求玉版于周周不與

漢書待詔膠倉趙人也按藝文志作聊倉在漢成帝與<sup>時</sup>朱

買臣嚴助終軍之倫皆辯知閎達溢于文詞

意林引抱朴子云余友人膠永叔嘗養一大獼猴以鐵鑊

鑊之著林間而犬忽齧殺之永叔使合鑊埋之後百許日

有見鬼者見獼猴走上承塵上不悟是獼猴鬼也驚指之

曰獼猴何以被傷流血斷走乎永叔曰始乃知獼猴死復

有鬼也按御覽引作騰永叔疑誤

郊  
見路史

按抱朴子郊間之兩瞳正方印疏之雙耳出于頭顛則郊

間古仙人也

庖  
見潛夫論

按路史炮與包同亦作即庖泡炮鮑鮑永本包姓也



泡 見潛夫論

文 見姓苑

匏

集古印謹澗有匏青

統謹匏敏澗山陽令

洩 見姓苑

部 見姓苑

交 見姓苑

博古圖有交父爨

符子曰楚之交子魯之周子齊之狂子相與居乎泰山之

陽處乎環堵之室華戶不扉蓋茨不翳而弦歌不輟

南都賦游女弄珠于漢皋之曲注游女漢女也鄭大夫交

甫於漢皋見之而贈之橘柚按此交甫乃鄭大夫姓名非

姓鄭也

漢書北匈奴六且渠王交勒蘇是交又匈奴姓也

四豪

豪 見姓謹

正字通宋儀隴人豪彥乾道中進士明豪英潁川人天順



中宜都縣知縣按弇山堂別集作宜陽令

操 見姓謹

集古印謹漢有操乘之

隨書煬帝紀大業十二年鄱陽人操天成舉兵反自稱天  
興<sup>王</sup>建元元始按新書林士弘傳大業末鄱陽賊操師乞自  
稱元興王建元天成尋敗死是天成師乞乃一人也

氏族畧宋操斗祥浮梁人淳祐進士

氏姓謹操琬字公琰樂平人博學有才氣從程登時學元  
至正四年舉於鄉歷池州學錄洪武初詔起遺逸預修元

史

浮梁志操時賢嘉靖丙辰進士知東明縣廉平公謹首鉏  
猾吏清三省賊巢殲其渠課農勸士一方樂利操松嘉靖  
間任廣西僉事操安正統進士任御史操洪成化舉人操  
守經嘉靖庚戌進士官給事中

安徽志宣德中推官操欽合肥人有善政律已廉聽訟明  
強豪畏服擢御史又操私正德中任松溪訓導以薦陞工  
部主事又操宣潛山人嘉靖中四川合州判官

髦

見世本史記姓苑



毛 見姓苑廣韻

左昭十八年傳周毛得殺伯過而代之毛其曰毛得必亡是昆吾稔之日也

列子周宣王園人毛丘園善養虎

穆天子傳有毛班

莊子疏毛嫫越王嬖妾

集仙傳琴高於須彌記得至一經以語安期安期教毛翁

公翁公教樂瑕公瑕公教族子樂臣公按太史公贊曰樂

臣公本師河上丈人丈人教安期生安期生教毛翁公毛

翁公教樂瑕公樂瑕公教樂臣公樂臣公教蓋公

西京雜記野人毛遂墜井死人以告平原君平原君曰嗟

乎天喪予矣既而知野人毛遂也

經典序錄河間人大毛公為詩故訓傳一云魯人初學記

荀卿授魯國毛亨作訓故傳以授趙國毛萇時人謂亨為

大毛公萇為小毛公

漢書廬江毛義以孝行稱南陽張奉慕其名往候之坐定

而府掾適至以義守安陽令奉掾而入喜動顏色後母死

被徵不起



儒林傳魯伯授易于太山毛莫如按一作屯莫如字公路  
官常山太守杜欽傳杜業云幸賴陛下至明遣使者毛莫  
如先考驗卒得其姦皆坐死李尋傳光祿大夫毛莫如與  
平當等治夏賀良解光獄即此人

西京雜記畫工毛延壽畫人形醜好老少必得其真  
西域傳伊吾司馬毛愷為北匈奴呼衍王所敗

又太尉屬毛軫難班勇曰今若置校尉則西域絡繹求索  
無厭身之則費難供不身則失其心一旦為匈奴所迫當  
復求救則為役大矣

黨錮傳外黃令毛欽不忍禽張儉

風俗通漢有毛釋之為壽張令按史記作毛澤澤子慶漢  
功臣表張節侯毛釋之以中涓從起豐以郎騎入漢還從  
擊諸侯子鹿嗣鹿子舜嗣是應仲瑗所謂為壽張令者別  
一人也

魏志毛玠字孝先平丘人官尚書僕射典選

晉書毛寶字碩真陽武人官征虜將軍子穆之安之穆之

字憲祖官右將軍西蠻校尉益州刺史領建平太守子珍

璩球璠瑾瑗璩最有名字叔達官征西將軍都督益梁秦



涼寧五州軍事璩下人為譙縱誘共害璩弟瑾為西亭校尉璩為蜀郡太守璩為寧州刺史璩子宏之瑾子修之修之字敬文頻歷清顯至右衛將軍從劉裕平姚泓後為安西司馬沒於魏安之字仲祖亦有武幹官右衛將軍子潭官至江夏相泰官太傅從事中郎後軍諮議參軍遂為遊擊將軍適為太傅主簿又脩之子法仁法仁子猛虎又當密內史毛璩之

按成都氏有毛姓前秦征西將軍朔方將軍平南將軍毛當單于輔相太尉毛貴將軍毛嵩扶風內史毛難左將軍

後禁將軍平東將軍毛盛撫軍將軍毛興後秦姚泓北地

太守毛雍

毛伯氏見路氏

高 見益州太守高頤碑龍驤將軍營州刺史高貞碑銘廣韻

世本黃帝臣高元作宮室按亦見呂氏春秋

穆天子傳車右高奔戎禽虎

左桓五年傳鄭高渠彌以中軍奉公為魚麗之陳高克為大夫文公惡之使帥師于河上久而不召師潰而歸高克奔陳鄭人為之賦清人見僖公三年



按左傳齊高疆字子良高無咎之子弱以盧叛高止字子容齊放之於北燕其子豎不得立以盧叛齊人立敬仲之曾孫鄒為高氏其族有高癸高偃高昭子昭子名齧字子將為梁丘據家臣高無平奔燕高張城成周後期皆在昭定哀之世宋有哀高不義宋公而出遂來奔見文十四年傳又崔杼殺高子麗藍而兼其室見襄十九年傳

呂氏春秋趙襄子出園賞有功者五人高敖為首按韓非難一淮南記論人閒訓說苑復恩篇古今人表高敖並作高赫史記趙世家作高共徐廣曰一作赫又按史記肥義

身語之信期索隱云即高信也

呂氏春秋高何縣子石齊國之暴者也指於鄉曲學於子墨子

墨子子墨子使管黔涿游高石子於衛衛君致祿甚厚設之於卿高石子必三朝盡言而言無行者去而之齊

史記高漸離與荆卿同入秦漸離擊筑

按詩釋文徐整云子夏授詩於高行子即詩序所云高子

趙岐云高子齊人

史記仙人高誓按高唐賦作高谿



漢書公孫弘故人高賀告人曰弘內厨五鼎外膳一肴安  
可示天下按亦見西京雜記

儒林傳高相沛人治易與費公同時傳子康及蘭陵母將  
永康以明易為郎

文苑傳高彪字義方無錫人遷內黃令帝令東觀畫象以  
勸學者

隱逸傳高恢京兆人字伯通隱居華陰山中與梁鴻善  
漢書南陽葉人高鳳字文通少為書生家以農畝為業而  
專精誦讀妻嘗之田曬麥于庭令鳳護雞時天暴雨而鳳

持竿誦經不覺潦水流麥

儒林傳高詡字季回般人曾祖父嘉以魯詩授元帝任至  
上谷太守父容傳嘉學哀平間為光祿大夫詡以父任為  
郎中傳魯詩光武時拜大司農按陸璣疏詡以父任為郎  
中以世傳魯詩知名王莽時逃去不仕

隸釋高頤廣漢人為益州太守弟贛字君實子文玉均有  
才行一門三舉孝廉

金石錄高映陳留人蜀郡太守念文翁為政有法作石室  
以祀文翁



漢書高獲字敬公新息人尼首方面與光或有舊師事司徒歐陽歙歙下獄獲冠鐵冠帶鈇質詣闕請帝雖不赦而引見之曰敬公朕欲用子宜改常性對曰臣受性於父母不可改之於陛下出便辭去獲善天文曉遁甲能役鬼神高堂氏見風俗通

謝承後漢書秦氏季世有高堂伯魯人按史記儒林傳三凡自魯高堂生仕為博士則謝承所云伯是其字也

漢翟酺傳尚書令高堂芝在和帝時按續漢志是時中常侍高梵張防將作大匠翟酺尚書令高堂芝僕射張敦尚書尹就敦煌太守張朗等相與交通

魏志高堂隆字升平泰山平陽人魯高堂生後也少為諸生泰山太守薛悌命為督郵郡督軍與悌爭論名悌而呵之隆按劔敕督軍曰昔魯定見侮仲尼歷階趙彈秦箏相如進缶臨臣名君義之所討也督君失色悌驚起止之後去吏避地齊南建安十八年太祖為丞相軍議掾後為歷城侯徵文學轉為相徵遭太祖喪不哀反游獵馳騁隆以義正諫甚得轉導之節黃初中為堂陽長以選為平原王傅王即遵位是為明帝以隆為給事中博士駙馬都尉帝



踐阼<sup>初</sup>羣臣或以為宜饗會隆曰唐虞有過密之哀高宗有  
不言之思是以至德雍熙光於四海以為不宜為會帝敬  
納之遷陳雷太守犢民百牧年七十餘有至行舉為計曹  
掾帝嘉之特除郎中以顯焉徵隆為散騎常侍賜爵官內  
侯子琛嗣按異苑高堂隆嘗刻鄴宮柱云後若干年當有  
天子居此及晉惠帝幸鄴年麻當矣唐志高堂隆著魏臺  
訪議二卷張掖寺石圖一卷

<sup>晉</sup>書繆胤與尚書何綏太史令高堂冲等並參機密

五代史契丹以高唐莫為相州節度使

高陽氏見高誘呂氏春秋注

按黃帝素女方有黃帝與高陽負問答之語是黃帝時即  
有高陽姓也

呂氏春秋辯士高陽應將為室家匠對曰未可也高誘注  
應名也按或作高魁宋大夫也淮南人間訓作高陽魁  
漢中部碑有祭酒高陽里

高梁氏此姓諸書無今補

琴操楚高梁子游九皋之澤覽漸水之臺張罟置罟于荆  
山臨曲池而漁雷電晦冥天火四起辟歷下臻兮鶴翔其



前白虎吟其後乃援琴而歌嘆作辟歷引

高陵此風俗通

風俗通漢有諫大夫顯高陵按項羽本紀宋義使于齊道遇齊使者高陵君顯張晏曰顯名也高陵縣名晉灼曰高陵屬琅邪然秦之高陵在馮翊也此人與秦使者同名

高車此姓纂

後魏書有高車或如按姓纂作高車解如

魏書王慧龍傳子寶興母尚書盧遐妻崔浩女也及浩誅盧遐妻官賜度斤鎮高車滑骨寶興賣貨產自出塞贖之

以歸

高式此姓諸書無今補

按梁武帝普通七年封高式勝鎧為林邑王中大通二年封高式律陀羅跋摩為林邑王

高丘此姓諸書無今補

三一經高丘子商時人好道入六景山積年但讀黃素道經服餌木後服鴻丹得陸仙游行五岳復飲金液為中岳真人

按抱朴子彭祖弟子高丘子神仙傳高丘公服桃膠得仙



高阿那氏見魏書

齊書高阿肱那為尚書令素以諂佞為世祖所厚多令在東宮侍齊主由是有寵封淮陰王源師攝祠部郎常白高阿那肱龍見當霄肱驚曰其色如何師曰龍星初見凡當霄祭非真龍也肱怒曰漢兒多事強知星宿遂不祭肱身穆提婆韓長鸞共處鈎軸号曰三貴蠹國病民日月滋甚

皋

見杜左注

左哀二十六年傳越大夫皋如后庸納衛侯按國語大夫皋如進對曰審聲則可以戰乎王曰可矣吳越春秋作句

如盧昭弓以賈子云渠如處車裂回泉當即皋如無所據

呂氏春秋皋子衆疑取國台南宮虔孔伯產而衆口止

韓詩外傳皋魚哭孔子行見之曰子非有喪何哭悲也皋魚

曰吾少好樂周流諸侯以沒吾親樹欲靜而風不止子欲

養而親不待

翟義傳東平中尉皋丹翟義以丹為御史大夫

風俗通漢司徒長史皋誨按為皋宏子一作徽

謝承書皋宏字奉卿吳郡人少有英才與桓榮善仕為揚

州從事會歐陽博士缺榮薦宏引為議郎子徵為司徒長



史按徵一作徽亦見桓榮傳范曄書吳人皋伯通梁鴻賃  
廡其家亦見高士傳吳地志皋伯通字奉卿官議郎是伯  
通即皋宏也

天發神讖碑有校尉皋儀

陳書隨來伐散騎常侍皋文奏將兵鎮南豫州重立賞格  
僧尼道士盡令執役賀若弼拔南豫州文奏敗還

山西志皋玉清河人弘治中官山西稷山縣教諭

皋落氏見左傳杜注路史

牢  
見姓苑廣韻

左襄二十三年傳齊侯伐衛啓牢成御襄罷師狼遽疏為  
右杜注左翼曰啓

漢書佞幸傳石顯之黨牢梁官尚書僕射

黨錮傳序有牢修按續漢志作牢川袁宏紀作牢順一作  
牢慎係張成弟子上書誣告李膺牢川詣闕上書言事又  
見五行志

十國春秋尚書左丞鍾允章之妻牢氏勸允章分遺故人  
出故鈔示之

勞  
見姓纂



漢書趙傳琅邪賊勞丙與太山賊叔孫無忌殺郟尉  
魏志王凌舍人勞精遣詣洛陽語其子廣以立楚王彪事  
有尚書左丞勞彥遠

晉書渤海勞霸為三公郎

蘭亭考蘭亭禊會有府功曹勞夷

成帝紀咸康五年冬十二月李壽將李奕寇巴東守將勞揚

戰敗死之

宋史勞種任城人真宗時為東京轉運使萊陽民私采銀  
安撫使欲論以劫盜種以山澤之利民得有之貸免甚眾

氏族畧宋勞原誠崇德教諭

氏姓誼勞梓嘉靖中知羅田縣有惠政

江西志勞鉞字廷器德化人景泰進士歷江浦臨清山陽  
三縣俱有政聲晉太僕丞出知湖州有惠政卒祀為城隍  
神族子堪號廬岳嘉靖進士官至副都御史博學能文所  
著有憲章類編

蒿 見姓苑氏族畧池北偶談

進士題名錄嘉靖戊戌進士蒿賓字大賓山東兗州滕縣  
籍直隸清河縣人按亦見弇山堂別集



褒 見廣韻路史

國語童妾不夫而育懼而棄之為孤服者方戡在路夫婦  
哀其夜號也而取之以逸逃于褒褒君褒姒得之而以入王  
褒姒褒之君也

神仙傳漢武帝時道士張方言漢中有褒氏女幼而冲靜  
無營浣沙澆水上若有所感而孕父母責之憤卒葬時以  
牛車直上澆口平元山頂見天樂幢節導從升天而去按  
集仙錄云褒女者漢中人褒君之後因以為姓

袁宏漢紀梓潼人褒章為王莽國將按范書作哀章

氏姓謹宋有太子洗馬褒希儼

陶 見風俗通廣韻

定三年傳陶叔授民杜注陶叔司徒

列女傳陶嬰少寡魯人或求焉嬰作歌曰黃鵠之早寡兮  
七年不雙宛頸獨宿兮不身照同

列仙傳六安治師陶安公騎赤龍上升

漢功臣表開封侯陶舍生丞相陶青按荀紀作陶青翟非  
百官表作開封侯陶青

荀悅漢紀孝景帝元年六月御史大夫陶青翟使匈奴結



和親後為丞相按武帝時有疆<sup>文正疆</sup>侯莊青翟為丞相荀氏誤  
徐廣云高祖功臣莊不識之孫

謝承後漢書河南陶碩鄉曲餉之無所受但食棗飲水共  
諉而已

漢書陶敦順帝時由少府為司空注敦字大理河南京縣  
人也按陶氏家傳敦為司空當朝正色

晉書太尉陶侃字士衡娶十五妻生二十三子按士衡本  
傳作士行二十三子作十七子

陶丘氏見英賢傳姓纂

英賢傳齊大夫陶丘德

符子平原陶丘氏取渤海墨台氏女女色甚美才甚令已  
生一男而歸母丁氏年老進見女聳女聳既歸而遣婦臨  
去請罪夫曰曩見夫人季德以衰非昔日比亦恐新婦老  
後必復如此是以遣實無他故

太尉楊震碑陰有平原陶丘輔漢

英賢傳漢有侍御史陶丘仁

漢書史弼傳弼受誣孝廉魏邵行賄於侯覽得減死時  
人譏之陶丘洪曰昔文王牖里閔散懷金史弼遭患義夫



獻寶亦何疑焉按青州先賢傳洪字子休平原人清遠博  
辯文冠當代舉孝廉不行辟太尉府年三十卒吳志平原  
陶丘洪薦劉繇欲令舉茂才刺史曰前年舉公山奈何復  
舉正禮洪曰若使明府用公山於前擢正凡於後所謂御  
二龍於長塗騁騏驎於千里不亦可乎亦見孔融傳即史  
弼傳之陶丘洪也冀州刺史王芬陳蕃子逸欲誅常侍廢  
帝呼琴歌陶丘洪定計洪欲行歆止之

按魏志正始中陶丘一為太僕身孟觀孫邕王基等共薦  
管寧而氏族畧云魏有安定太守陶丘壹誤矣

氏族畧晉陳畱太守陶丘達江左有陶丘乂之

陶叔氏見姓纂路史

姓纂晉有陶叔真為原大夫文公時有陶叔狐按說苑云  
陶叔狐從文公反國行三賞而不及陶叔狐見咎犯曰吾  
從君而亡十有三年顏色黎黑手足胼胝今君反國三賞  
而不及我意者君亡我與吾有大故與子試為我言之于  
君咎犯言之文公文公曰吾三行賞之後而勞苦之士次  
之夫勞苦之士是子固為首矣

英賢傳漢有陶叔卷為青州刺史



桃 見姓苑辯證

左傳周有桃子按周語桃子王子帶之黨與頡叔啓翟人  
伐周

關尸子桃子五仕而心五化

孟子弟子桃應櫻趙子外書齊人伐趙桃應將問于孟子

孟子曰毋嗜殺將心也勿爭功將才也身士卒同甘苦將

道也

漢酸棗令劉熊碑陰有處士桃詩彥雲

龍門禹廟宗季方題名有桃右進桃石起桃世起陶桃他郡

後趙錄石勒將桃豹字安步范陽人為十八騎之雄少時

嘗攘臂大言曰大夫夫遭魏太祖不封萬戶侯位上將者

非丈夫也勒世為魏郡太守石虎時為橫海將軍遷太保

卒按北燕錄楊哲對馮素弗曰中州惟桃豹孫鮮在焉素

弗乃召鮮為左常侍

北燕錄慕容雲幸臣桃仁身離班專典禁衛賞賜以巨萬

計衣食起居皆身之同而桃仁離班志願無厭猶有怨憾

後魏裁雲馮跋帳下督李桑斬班于西門張泰殺仁于庭中

真誥有桃俊



金樓子桃文烈善龜卜

氏姓謚桃和高安人天順進士桃山莘縣人成化進士和治中以翰林編修任山西提學桃翔金堂人初知宣城正德初調知江陵縣守已廉蒞事勤稱循吏

教 見風俗通路史

集仙傳晉有教真人

五代史吳有教駢為水軍指揮使圍吉州刺史彭玕弟玳于赤石

氏族畧唐有教穎登進士第宋有教陶孫字器之長樂人

著詩評忤韓侂胄編管嶺南教知言臨江軍人朝散郎大觀中知南安軍

元史教繼公字君善長樂人擢進士忤時相遂不仕著儀礼集說十三卷

江西志教英字子發号東谷清江人正德進士授南京工部主事遷祠部郎出督河南陝西歷任藩臬所至聲望著聞以四川右布政使致仕有詩名人呼教清江有錄雪亭心遠堂等集身羅洪先鄒守益善講學相資獎掖後進河南志教山字敏之莘野人成化進士弘治六年以編修



仕山西提學副使性質剛毅學問淵深所著有石陵傳燦  
藁然先天手冊教宗度字汝承嘉靖進士巡撫雲南鐵鑠箒  
苗亂指授方畧六十奏奇功教毓元字化潛登進士第成  
化中求直言毓元上疏語多指斥李孜省僧繼曉等謫雲  
南臨西丞

江西志教璠字貴之新喻人嘉靖進士授刑部主事歷郎  
中恤刑兩浙多所平反升兵備副使勦捕海寇有功升山  
東叅政

明史劉世揚傳世揚等乃盡劾璫黨尚書王瓊而下數

十人章下吏部而尚書方獻夫亦璫黨也但去編修金  
璐御史教鉞太僕丞姚奎郎中劉汝輓員外郎張啟郭憲  
待詔葉幼學儲良才八人而已按鉞高安人宰宿松二載  
兩奏水患去任三年復疏荒糧補潛江甫經十月歲旱題  
請蠲賑民賴其惠惠為御史再劾近侍巡按貴州致仕今明  
史作邀鉞非

曹

見潛夫論王沈書魏郟陽令曹全碑廣韻

荀子紂佞臣有左師曹觸龍又云曹觸龍斷于軍楊倞曰  
說苑桀為天子臣有左師觸龍者諂諛不正此云紂當是



說苑誤

孔子弟子有曹邴孟子有曹交

左桓五年傳魯曹歲問戰諫觀社按穀梁傳亦作歲公羊傳盟柯曹沫劫桓公司馬遷作沫列刺客傳索隱云沫宜作歲聲相近而字異耳又襄二十三年齊侯伐衛曹開御戎

莊子宋人有曹商者為宋王使秦其往也得車數乘王悅之益車百乘反以宋見莊子曰夫處窮閭阨巷困窘織履稿項黃馘者商之所短也一悟萬乘之主而從車百乘者

商之所長也

史記項羽將曹咎守成皋漢王司馬曹無傷譖沛公于項

王

西京雜記漢子菟人曹元理善算嘗詣陳廣漢設食甚薄元理以匕箸算曰俎上蒸豕厨中荔支何不設

拾遺記曹曾收天下奇書於家世謂曹氏書倉按曾字伯

山濟陰人先成時從歐陽歆受尚書官諫議大夫

漢郟陽令曹全碑為隃麋侯相鳳之孫鳳嘗上書言燒當事得拜金城西部都尉屯龍耆而全以戊部司馬討疏勒



又定郭家之亂時人語曰重親致歡曹景完

曹參傳參沛人為相國按西京雜記曹參字伯敬

曹褒傳褒字叔通薛人父充持慶氏祀奏改大官樂曰大  
予官侍中褒博雅疏通尤好凡官射聲校尉出為河內太  
守退去姦殘時雨數降作通義十三篇演經雜論百二十  
篇

文苑傳曹照字伯師扶風人有才學與蘇孺文賓伯向馬  
季長並游惟照不遇

列女傳曹娥父為巫祝于縣江源濤迎婆娑神溺死娥年

十四緣江号哭投江抱父屍出按蔚宗亦以婆娑為神緣  
此而誤

黨錮傳永昌太守曹鸞上書訟黨人棄市按鸞敦煌人書  
載宏袁記

靈帝記板楯蠻詣巴郡太守曹謙降

吳錄曹不興善畫孫權使画屏風誤落筆點素因就以作  
蠅既進御孫權以為真蠅舉手彈之按謝赫画品不興之  
跡殆無復傳惟秘閣之內一龍而已觀其風格如見真龍  
曹丘氏見廣韻



廣韻漢有曹丘先生按季布傳辯士曹丘生楚人數招權  
顧金錢事貴人趙設實長君等季布聞寄書諫長君曰吾  
聞曹丘非長者勿與通

曹牟氏

東萊先賢傳兗州刺史曹牟居卿昌平人

糟

字彙嘉靖舉人糟士奇鳳翔人按亦見弁山堂集

陝西志糟來宴鳳翔人嘉靖甲午舉人官知州

興文縣志糟仁鳳翔人由行伍乾隆十六年任建武營遊

擊即士奇之後

糕

見池北偶談

氏姓謹糕芳平度州人正德中任南平訓導

饗

饗饗氏見南史此姓諸書無今補

刀

明史麓川平緬土酋刀幹孟逐其宣慰使思倫發以叛沐  
春討平之

平定緬甸述畧孟連土司刀派春刀派先又車里土目刀



銑

漕 見姓苑

游俠傳河西漕仲叔以俠聞有讓退之風王莽居攝誅除  
豪俠名捕漕仲叔不能得素善強弩將軍孫建莽疑建藏  
匿泛以問建建曰臣名善之誅臣足以塞責莽性果賊無  
所容忍然重建不竟問遂不得也中叔子少游復以俠聞  
于世

東觀漢記梁統對尚書狀曰元壽二年三輔盜賊並起其  
後隴西新興北地任橫任崖西河漕况越州度郡萬里交  
結或從遠方四面會合遂攻取庫兵劫掠吏入國家開封  
侯之科以軍法追捕僅能破散

集古印謹漢書有漕防

敲 此姓諸書無今補

金史海陵時殺術人敲仙于市

擣 見路史

咎 韻會咎姓也通作皋

樓書序咎單作明居訓伊尹事作沃丁孔傳曰咎單臣名  
主土地之官馬融曰咎單湯司空也荒史云桀囚湯于夏



臺商大夫咎單進良馬百駟美女十人黃緣鼎觸龍求釋  
桀即釋湯宜為咎繇之後近人讀為舊誤矣古今人表作  
皋善可證

徯 玉篇徯奴擣切姓也諸書無今補

姓韻

下平聲

五歌

成威 張澍纂

柯 見姓苑路史

曹全碑陰有集曹史柯相文舉

印藪漢有柯農柯彊

宋書沈文季傳錢塘富人柯隆

齊書柯令孫南充州典籤齊郡人宣城王遣令孫殺建安王



子真子真走入牀下令孫手牽出之叩頭乞為奴不許而死  
唐書柯崇與曹松等號五老榜按通考禮部侍郎杜德祥奏  
揀到新及第進士柯崇年六十四詔可太子校書又柯穎為  
尚書郎

唐書淮南將柯厚破蘇州水柵按厚後為右雄或都指揮使  
氏族畧宋柯仲常神宗朝通判潭州救饑得民情有異鵲栖  
廳事蘇東坡為柯侯異鵲一章柯夢得字東海莆人嘉定七  
年以特科入官詩學孟東野有抱甕集柯春卿三山人淳熙  
間宰宜春吏事精明剖決不倦太守張保器重之柯夢太平  
人興國七年遇一僧往萬歲山指古松下掘之得石篆乃寶  
公記國祚綿遠之文柯述字仲常南安人與弟迪俱登第知  
襄垣縣神宗聞其治行擢知懷州

東岡集柯暹字啓暉一字用晦池州建德人永樂乙酉領鄉  
薦明年預脩大典選入翰林歷官雲南按察使按書史會要  
暹善行草

徐顯稗史集傳柯九思字敬仲台州仙居人遇文宗于潛郊  
及即位置奎章閣特授學士院鑿書博士凡內府法書名畫  
咸命鑿定按九思有黃河源志序



柯拔氏見官氏志

戈 見史記

氏族畧唐有戈牢字德膠工詩會昌三年進士有詩行世宋有戈彥爲池州兵馬都監按馬令南唐書王師自荆湖直趨池州池州主將戈彥棄城走遂克池州是彥本李煜將也民姓謚元有戈毅梁縣人舉進士爲太康路提舉唱明正學文風一新戈預梁縣人明初歸附扈蹕拔采石下豫章平戈昌升都督戈鎬字仲京鎮江人宣德進士常熟志戈汕字莊樂能詩善畫作画鉤染細密人謂其得北

宋画院筆意

景州志戈九章嘉靖甲辰進士第九疇嘉靖己未進志戈瑄字正玉成化乙未進士南京刑部尚書戈孜成化戊戌進士按九章官運使九疇官知府見弇山堂別集

題名錄戈仲和南充人嘉靖辛丑進士戈大本吳縣人萬厯甲戌進士戈允禮雲南保山縣人天啟壬戌進士戈簡廣德州人崇禎辛未進士戈英獻縣人順治乙亥進士戈輯成進人康熙己丑進士戈懋倫獻縣人康熙壬辰進士戈錦獻縣人雍正庚戌進士戈岱景州人乾隆壬戌進士按乾隆間景



州戈濤戈源皆進士官翰林

娥 見姓苑

後魏書娥清代人少有將畧累著戰功遷振威將軍與長孫道孫追朱超石將楊豐獲之與長孫翰討蠕蠕與長川大獲而還後與奚斤爲赫連定所禽太武克平涼乃歸子延官至員外散騎常侍賜爵南平公桉清亦官宗正氏族畧作娥青誤他書作鶯青亦譌

北齊書娥永樂官待詔武衛戍力絕倫齊王演執可朱渾天和宋欽道燕子獻楊愔入昭陽殿娥永樂叩刀仰視齊主素

吃訥倉卒不知所言妻太后令却仗永樂內力而泣演令衛士殺之

氏族謹娥喬永樂閒貢士任知縣閩福清人

娥陵氏此姓諸書無今補

帝系謹女媧臣娥陵氏製都良管以一天下之音

佗 見史記注

漢書游俠傳東道佗羽公子注姓佗名羽字公子佗古他字也

奇姓通洪武中慶都丞佗滿莘野人佗盛永樂進士容縣人



佗超蒼梧舉人正統時任知州

佗駱拔氏見官氏志按一作地駱拔氏

訛 見唐書南蠻傳

何 見廣韻路史

琴操宋康王舍人韓憑之妻何氏王奪之韓悲憤而死王偃  
召何上青陵臺何作詩二章投臺下而死按搜神記不言韓  
憑之妻姓而輿地記作息氏彤管新編亦以爲何氏

東觀記何脩生成爲膠東相成生果爲大中大夫果生比干  
爲丹陽都尉比干生壽爲蜀郡太守壽生顯爲京輔都尉顯

生鄔光祿大夫鄔生罷爲濟南都尉罷生敞爲濟南南大傅凡

八世按比干字少卿爲都尉獄無寃囚老嫗授策九百九十

枚見三輔決錄壽爲蜀郡太守爲廷尉四年徒見百官表敞

字文高辟太尉宋由府多所匡救以高第拜侍御史遷汝南  
太守疾文俗吏以寬和爲政見漢書竇憲陷鄧壽以買公田  
誹謗下吏當誅侍御史何敞上疏理之

謝承漢書何湯字仲弓南昌人爲桓榮高弟榮年四十無子  
湯爲去其妻改娶生二子官至虎賁中郎將以尚書授太子  
薦榮拜五更



儒林傳何休字召公樊人精研六經作公羊墨守左氏膏肓  
穀梁廢疾官諫議大夫按休父豹官至少府

漢書何並字子廉性公正自郡吏歷大司空掾事為長陵令  
道不拾遺為潁川太守子恢王莽時為關都尉

梁懂傳何熙字孟孫陳國人少有大志永元中為謁者身長  
八尺五寸善為威容贊拜殿中音動左右和帝偉之擢為御

史中丞歷司隸校尉大司農拜車騎將軍伐南單于歿于軍三

子臨瑾阜臨瑾並有政能阜俊才早歿臨子衡為尚書以正  
直稱按李固傳陳國何臨字子陵為平原太守熙之子見百

### 家誼

吉成侯州輔碑陰故府掾何進定安按昇大將軍進同姓名

漢書何顓字伯求襄鄉人與郭林宗賈偉節相友報友人虞

偉高之仇辟司空府見曹操歎曰安天下者必此人也為素  
紹所繫憤卒

蕪陽國志何英邠縣人學通經緯著漢德春秋十五篇孫汶  
亦深於學著世務十三篇何隨邠縣人初仕蜀為安漢令蜀

亡去官

何丘氏見姓纂



廣韻楚有威烈將軍何丘寄按姓纂以寄為魏人是也威烈作列威誤

辯證後魏殿中將軍何丘勅按姓纂勅作何丘及敦

何奈氏見姓謹

姓謹晉幽州刺史王浚有將軍何奈虎

荷 此姓諸書無今補

魏孫秋生等造像記有維那荷道成

荷皆氏見魏書

荷丘氏見路史

多 見寰宇記

路史楚有荷丘子或云即包丘按即荷丘氏

居易錄祁縣戴楓仲廷棻有多父敦一上有銘云多父作寶

敦用祁眷壽萬年子子孫孫永寶用凡十八字

漢功臣表多軍故東越將漢兵至棄<sub>軍</sub>降武帝元封元年封

無錫侯千戶薨何卯嗣侯延平四年坐與歸義趙文王將兵

追反虜加農棄兵還贖罪免

晉書劉超傳時軍校無兵義興人多義隨超因統其眾以宿

衛號為君子營

四川志宋多岳嘗傳經於普牟恭從之授學天彭人也

陝西通志崇禎進士多象謙阜城籍渭南人按渭南縣志順

治丙戌進士庶吉士



阜城志多宗孔貢生少謹厚兄弟分居言于父母復合炊常買人女爲婢及長還其父母爲良人妻不責其值人多其長者多承夔天啟辛酉舉人官知縣多時珍江西布政使弼安子也康熙丁卯舉人官中書常與修政治訓典喜爲詩居家以長厚稱又多弼任多時瑗多時密均康熙時拔貢多澤厚雍正辛酉舉人

甘肅省志多學夔亭人明進士官御史

涇陽縣志多士成靈臺人貢生雍正五年任涇陽訓導多蘭氏見廣韻

多子氏見姓苑

多覽葛氏見唐書按一作多濫葛

唐書薛延陀已滅其酋侯斤多濫葛末鼻回紇皆朝以其地爲燕然都督府授右衛大將軍卽爲府都督死以多濫葛塞副爲大侯利發繼爲都督

多利思氏此姓諸書無今補

隨書倭王多利思比孤入貢遺帝書日出處天子致書日沒處天子無恙帝覽之不悅謂鴻臚卿曰蠻夸書無礼者勿復以聞



邠見路史

俄此姓諸書無今補

唐書天授三年東女國王俄玉兒來朝

甘肅志俄旗錫環縣貢生任咸陽訓導俄世祿字行之旗錫之父

四川志俄玉陝西人康熙五十二年任成都守備

羅見世本左杜註廣韻姓纂

姚寬引舊戰國策曰羅尚見秦王曰秦四塞之險利于守不利於戰按此羅尚先于晉之羅尚矣

仙傳拾遺秦始皇時武陵令羅君用赴任至湘江溺死其女攜弟繞江尋屍不得亦沈水死始皇稱其孝

羅洪先家謚羅銖高帝時人灌嬰定豫章有功德於民卒官

子孫因家焉晉末有羅企生字宗伯生遵生今南昌栢林羅氏其後也

法言成都富人羅冲詣嚴君平問家事

後漢書成都人羅衍說公孫述尚書解文卿鄭文伯諫述歸

漢

西羌傳蜀人羅橫應募殺羌呂叔都封侯



蜀志註羅憲字令則師事譙周父蒙蜀廣漢太守憲任蜀太子舍人宣信校尉入晉爲成陵太守子襲仕至廣漢太守益州刺史孫尚桓溫參軍後爲益州刺史

羅府君傳舍字君章桂陽棗陽人爲臨海太守彥曾孫榮陽太守綏少子也桓宣成辟爲別駕以官解誼擾於城西池小洲立茅茨伐木爲牀織葦爲蓆布衣蔬食晏若有餘累遷散騎常侍廷尉長沙相致仕中散大夫門施行馬舍自在官舍有一白雀棲集堂宇及致仕還家階庭忽蘭菊叢生豈非至行之徵耶

真誥萼綠萼九疑山得道女羅郁也晉升平中降羊權家贈詩及火浣布可二十許上下皆著青衣已九百歲矣

渚宮舊事羅友家貧乞祿于桓溫雖以才學遇之而謂其誕肆非治民才許而不用同府人有得郡者溫置酒叙別友後至溫問之曰昨出門于中路見鬼椰揄云只見汝送人作郡不見人送汝作郡友慙是以遲延海溫媿之以爲襄陽太守

蜀錄李特將羅準略陽羅恒爲李壽征東長史

西秦錄姚興遣碩來伐歸歸使鎮東將軍羅敦率外軍四萬

遷屯辰辰谷



唐書文苑傳羅隱字昭諫羅虬皆有詩名羅紹威亦能詩集名  
偷江東集羅鄴有比紅兒詩

五代史河南令羅貫諫莊宗知名

羅多氏此姓諸書無今補

羅侯氏見氏族畧

羅曾氏此姓諸書無今補

澗聞之戶部郎中王冊曰友人羅曾承者字啓堂貴州鎮遠  
人其父本姓羅養于外家曾氏外家無子欲生二子分承二  
氏祀竟生一子故以羅曾爲氏也

那 見風俗通路史

東觀漢記那刪字次孫早孤以孝聞值天下亂野無煙火而  
刪獨在冢側賊過見其尚幼而有志節奇而哀之

西魏書是云寶殺揚州刺史那椿降魏後魏遼西太守那頡  
爲慕容拔所執

唐書安祿山將那承慶

四川志那尚綱宏治舉人那正俅嘉靖舉人均宜賓籍

那萋氏見官氏志

後趙錄石虎將支雄斬鮮卑部大人那樓奇按那樓氏即那



萋氏也

那羅通氏此姓諸書無今補

唐書貞觀時太宗服那羅通藥酉陽雜俎那羅爾娑婆中天竺人王元榮俘中天竺王阿羅那順詣闕兼得術士那羅爾娑婆言壽二百歲太宗奇之館於金甌門內造延年藥高宗時卒於長安按那羅爾是婆羅門之複姓娑婆寐是其名段氏脫寐字非李渤文云高宗不誅天竺方士那羅通娑婆寐逐之歸國是也又按舊唐書天竺方士娑婆寐言有長生術太宗頗信之發使詣娑羅門諸國采藥藥竟不就乃放還後

復來李勣曰此人容髮衰白已改于前矣遂遣歸未及行而苑冊府元龜那羅通娑婆寐帝那伏國人也貞觀二十二年右衛率長史王元策破帝那伏國得之自言壽三百歲云有長生術太宗深加敬禮造延年之藥發使天下採諸奇藥異石有藥名畔茶位水出山中石臼內有七種色或熱或冷能消艸木金鐵入手入水即消爛欲取之以駱駝鬮醴沈以石臼以水轉注瓠蘆中每有此水處即有石柱似人形守之若彼山人傳道出此水者即死又有藥名咀賴羅在高山石崖腹有石孔孔前有一小樹其葉青綠狀如梨杏石孔中有大



盡蛇守之人不得到欲取此樹爲藥以大方頭箭射取枝葉  
葉下便有鳥銜將飛去即以眾箭射鳥而取其葉詭異之事  
類多如此徒延歲月術卒不就死于長安

它 見荀子注引世本

世本有田公它成見楊倞荀子注

荀子非十二子篇持之有故言之成理足以欺惑愚眾者它

魏牟陳仲史鮑墨翟宋鈺慎到田駢惠施鄧析子思孟軻也

按韓詩外傳作范

成都志它元鼎建戍營遊繫它成之父也甘肅碾伯人按興

文志作佗云山西人者誤今碾伯尚有它姓

番 見漢書注

百官表右內史番係河渠書河東太守番係言轉漕事戍帝

用之係九江人後爲御史大夫按注音婆又音潘

班超傳疏勒都尉番后李賢注番音潘按后一作辰

漢泰山都尉孔宙碑陰有番君舉

繫 見左傳按亦見元韻此音蒲何反

左哀二年傳鐵之戰繫羽御趙羅宋勇爲右

潛夫論御史大夫繫延壽南陵襄陽人杜陵新豐繫其後也



按甘延壽陳湯斬郅支首奏宜縣藁街御史大夫繁延壽以爲月令有掩骼埋胔之時宜勿縣又按延年一姓李

後漢書建武十八年益州太守繁勝與昆明夸戰敗

典畧繁欽字休伯以文才機辯少得名於汝穎長于書記善

爲詩賦爲丞相主簿按欽有定情詩辨惑文又繁欽嘲杜巨

明云杜伯兮孫字子巨皇祖虐暴死之神明不聽天地不與

降生之初狀似時鼠厥性蝨賊不文不成見啓顏錄

襄陽耆舊傳繁仲皇襄陽人爲青州刺史自尔以來雖無名

德高位世世作書生門風

唐本事詩秘歸人繁知一題巫山廟詩爲白樂天所賞

哥 此姓諸書無今補

宋文憲集勃尼在西南大海中所統一十四州 闍婆四十

五日程去占城與摩逸各三十日程去三佛齊十四日程歷

代未嘗朝貢故史籍不載至宋太平興國二年其王向打始

因商人蒲蘆歇遣使施拏使副蒲亞利判官哥心等齎表來貢

元豐五年二月其王錫理麻喏復遣使如前自後輒不聞是

勃尼國有哥姓也

哥舒氏見唐書



唐書左清道率哥舒沮世居安西生道元安西副都護生翰  
好讀左氏春秋傳及漢書疏財重氣士多歸之屢以軍功累  
遷隴右節度副大使以破石堡功進封涼國公以風疾廢于  
家後起爲兵馬副元帥爲安祿山禽殺之子曜字子明檢校  
工部尚書聘官慶州刺史御史大夫曜子七人俱以儒聞岷  
茂才高第有節槩官大理主簿岷岷此皆明經擢第岷生皓  
試太常卿兼御史中丞混爲廣州刺史按舊唐書作晃爲循州  
刺史殺害節度使高崇實高仲武紀蘇渙文云渙官御史佐  
湖南使崔中丞權幕崔遇害遂踰嶺扇動與哥舒混跋扈交  
廣又按唐書嶺南節度使路嗣恭擢流人孟瑤敬冕爲將討  
哥舒晃瑤以大軍當其前冕自閒道輕入克廣州斬哥舒晃  
是晃宜作混也

唐文穎哥舒恒敬宗時擢書判拔萃科有毀方瓦合判  
哥解氏此姓諸書無今補

唐書默棘連使哥解粟必來謝請婚期

歌 見姓苑

歌邏祿氏此姓諸書無今補按新書作葛邏祿

舊唐書貞觀二十三年突厥酋長歌邏祿泥孰闕俟利發乃



拔塞訶處木昆莫賀侯斤之部落車鼻來降

唐書高宗顯慶元年程知節及賀魯部歌邏祿處月戰于榆慕谷敗之

唐書高宗東封泰山狼山都督歌邏祿社利等首領三十餘人扈從至嶽下勒名于封禪之碑

歌濫氏見唐書

唐書歌濫拔延內屬以其地爲金微州拜歌濫拔延爲右屯衛大將軍州都督

歌咄施氏此姓諸書無今補

軻

按李德裕文有左玉鈐衛宿衛歌咄施注此

魏志鮮卑大人軻比能勇健廉平爲諸部所服後幽州刺史王雄遣勇士韓龍刺殺

晉書軻成泥西平浩疊人

四川志宣德簡州衛千戶軻興直隸人愛恤士卒崇尚礼義尤勤於政事按亦見弇山堂別集

芻

莊子芻荷甘與神農同學於老龍吉神農隱几闔戶晝瞑芻



荷甘日中麥戶而入曰老龍死矣神農擁杖而起曝然投杖而笑曰天知予僻陋慢詭故棄予而死已矣夫子無所發予之狂言而死矣夫按柯一作嬰

阿 見大荒南經風俗通

唐書阿光進河東牙將明皇時朔方節度使阿布思乃九姓首領姓阿名布思

雲南志阿呵馬龍州人納垢酋之後隱居巖谷撰爨字字如科斗三年始成子母一千八百四十號曰籀書爨人至今用之

元史阿刺威河西人大德初授成畧將軍富州達魯花赤州境歲受水患馬湖增衝決損田四十頃刺威至築堤三百丈又修境內壞堤六十四處水復故道歲乃有秋阿赤河西人文宗天祿元年任鎮江達花赤嘗賣馬助米以食貧民

氏姓謚阿賢阿文皆和州人賢正統貢生任知縣文成化進士任教諭阿其麟山西人嘉靖進士阿有典惠安人嘉靖中嘉定縣主簿按和州弇山堂別集作和川

阿羅氏此姓諸書無今補

漢書車師後部王阿羅多鼻成部候嚴皓不相得忿戾而反



阿跌氏見唐書按即跌跌也

唐書開元中跌跌思泰自突厥默啜所來降其後光進光顏以功至大官元和二年賜姓李氏

阿崙氏見唐書

阿熱氏見唐書回鶻傳

阿會氏見周書

阿每氏見唐書

唐書日本王阿每隨開皇末王崇峻死欽明之孫女稚古立次舒明次皇極唐永徽初王孝德立孝德死子天豐財立及

死子天智立及死子天成立及死子惣持立長安元年其王

文成立死子阿用立死子聖成立死女孝明立孝明死大炊

立死以聖成女高野姬爲王死白壁立貞元末其王曰桓成

次諾樂次嵯峨次淳和次仁明直開成四年次文德次清和次陽成次光孝直光啓元年

阿那氏見後魏書按宜作高阿那氏姓纂引此誤宜刪

阿薄氏

後秦錄魏使冀州刺史阿薄干將步騎十萬屯于河北烏姚  
迦聲援



阿賀氏見官氏志

阿伏氏見官氏志

阿單氏見官氏志

阿伏干氏見官氏志

阿鹿桓氏見官氏志

阿史那氏見唐書氏族畧

隨書大業八年分突厥阿史那大奈之眾居樓煩李淵起兵  
大奈率其眾以從按即史大奈也

唐書太宗時有阿史那社尒處羅可汗之次子以智勇聞奚  
利必吐陸可汗與泥熟爭國社尒襲得其半國後伐延陀爲  
所敗率眾內屬授左驍衛大將軍尚衡陽公主以崑丘道行  
軍大總管討龜茲禽其王刻石紀功而還按阿史那社尒太  
宗美其廉賜高昌寶鈿刀

唐書左衛員外大將軍阿史那道真左衛將軍郭待封副之  
出討吐番并護吐谷渾歸國師十餘萬至大非川爲欽陵所  
敗王師敗績詔有司問狀免死爲民

唐書阿史那忠字義節蘇尼失子也資清謹以功擢左屯衛  
將軍尚宗室女詔姓獨著史會立阿史那思摩爲突厥可汗



以忠爲左賢王及出塞不樂見使者必泣請入侍許焉擢左  
驍衛大將軍宿衛四十八年無纖隙過人比之金日磾龍朔  
二年以忠爲長岑道行軍大總管伐鐵勒按鄭夾捺作忠節  
非也

唐書突厥有僞可汗阿史那倭子

唐書高昌國有阿史那矩爲大冠軍

唐書武后長壽二年殺左衛員外大將軍阿史那元慶又裴  
行儉破突厥禽阿史那奉職高宗開耀元年裴行儉俘突厥  
溫傳可汗阿史那伏念以獻四年崑陵都護阿史那彌射及

西突厥真珠葉護戰于雙河敗之按高宗二年瑤池都督阿

史那賀魯叛寇庭州

唐書安祿山將阿史那承慶阿史那從禮阿史那玉

阿史德氏見姓謹

唐書默棘連遣大臣那史德頡利發入獻遂從封禪又行軍  
總管阿史德樞賓執契丹松漠都督阿史德獻東高宗五年  
定襄都督阿史德樞賓爲沙磧道行軍大總管以伐契丹敗  
之通天中司賓卿瀚海侯阿史德元珍左武衛大將軍阿史  
德覽按覽上或有多字又安祿山母阿史德氏



阿思沒氏此姓諸書無今補

後唐書契丹德光遣其臣阿思沒骨餞來告哀

阿逸多氏見姓謹

阿鹿孤氏見官氏志

阿勿喃氏見唐書此姓諸書無今補

阿羅那氏此姓諸書無今補

唐書中天竺王尸羅逸多卒國大亂其臣阿羅那順自立發

胡兵攻王兮策後爲兮策所禽

過 見風俗通左杜注括地志李賢漢書注

風俗通漢有兗州刺史過相按風俗通又云光武中興以來

五曹詔書題鄉亭壁歲補正多有闕謬永建中兗州刺史過

翔箋撰卷別改著板上一勞而永逸翔昇相字相似而訛辨

證引作過羽誤矣

漢百官表大行令過期

漢書劉陶傳陶令順陽輕標劍客過晏之徒來應募

按馮煥殘碑陰有客曹史汝南過噉子讓又荊州刺史過急

晉書五行志康帝時衛將軍營督過望

按唐杜去疾過少府墓志銘過少府名納字含章澤州高平



人大中十二年明經擢第咸通四年授棣州蒲臺縣尉

氏族畧宋有過源字時源臨川人講理學稱浩齋先生過勗  
字紹古源從孫博覽能文有通神集三十卷過卓南豐人  
政和進士官玉山令宋又有登科過詡建昌人過正己錄事  
叅軍過昱字彥明豐城人母早卒刻木爲像早暮漱盥飲食  
必進寶元開第進士攝全州事以惻怛爲心號定林老叟  
元史過宗一海鹽人遇寇以身蔽母母卒白燕巢其室又宋  
及東過元龍降元復叛討誅之

明史洪武十一年靖州指揮過興爲五開叛蠻所殺又永樂

中右府都督過興山後人

浙江志過璘平湖人成化進士官江西按察副使爲人閭朗  
方直不避利害

江南志過鶴無錫人成化進士過龍字雲從隱於醫著針灸  
要覽十四卷發揮茶經各一卷號十足道人文徵明著十足  
道人傳

浙江志過庭訓平湖人萬厯甲辰進士按夏嘉遇傳御史駱  
駿曾過庭訓房壯麗年志夔唐世濟金汝諧彭宗孟田生金  
李徵儀董元儒李嵩輩與相唱和務以攻東林排異已爲事



又按庭訓著兮省人物考

江西志過周謀建昌府新城縣人崇禎戊辰進士

毘陵人品記過儀字廷章無錫人善詞翰有司常薦於朝不就放情詩酒画松特奇山水小景亦佳人以方之玉絃

鎮江府志過松齡字石公無錫人順治乙未進士順治十五年任鎮江教授過奎字文叔無錫人官學錄按丹陽志康熙時署教諭事

渦

見路史

三輔決錄扶風太守渦尚

五代史吳廣德鎮邊使渦信率兵五千餘人會屯于宣州爲吳越錢傳瓘所獲按馬令南唐書裨將樊思蘊作亂燒營時刺史昌言病中外不知存否人心恟恟馮延巳年十四徒步入見言復傳言教出謝將吏人情乃安五代史作渦信異陸游書作言也

和

見姓纂

左襄三年傳晉侯使和組父告于諸侯杜注告陳服

後漢黨錮傳上祿長和海上言黨人禁錮及五族有乘典訓帝從之按桓帝紀作和淳



漢書帝遣假司馬和恭將兵八百人詣班超  
後漢書桓帝紀右北平太守和旻坐贓下獄死

太尉劉寬碑陰有徠氏長和政公直

魏志張掖人和鸞昇成威顏俊酒泉黃萼西平麴演等反自  
号將軍更相攻擊俊遣使送母及子詣魏為質以求助歲餘  
鸞殺俊成威王祕又殺鸞

魏志和洽字陽士西平人仕魏光祿勳子禽禽弟適才與開  
濟官至廷尉吏部尚書按適子嶠字長興官潁川太守為政  
清簡得百姓歡心庾覲稱曰森森如千丈松雖磊砢多節目

施之大厦有棟梁之用後遷中書令

晉書尚書左僕射和郁為劉曜殺按郁嶠弟也字仲興才望  
不及嶠而以清幹稱

西涼錄張軌臣和苞張駿將和麟張祚將和昊昊後官北平  
太守又將軍和成

神仙傳馬鳴生本姓和名君賢臨淄人為邑小吏幾死賊得  
異人藥起之乃變姓名漢太傅胡廣得一見亦見宋閻蒼舒  
記

前趙錄劉聰侍中和苞按著趙書昇喬豫上疏諫營鄆明觀



曜封苞爲平輿子領諫議大夫

魏書拓拔珪以龍驤將軍和跋爲尚書按此素和氏所改也和士開亦素和氏改

隨書和洪汝南人周武帝時以戰功遷車騎大將軍入隨突厥寇邊詔洪爲北道行軍總管後遷徐州總管

唐書和逢堯岐山人舉進士擢監察御史進御史中丞攝鴻臚卿使突厥默啜不辱擢戶部侍郎按睿宗欲傳位太子逢堯附太平公主言于上曰陛下春秋未高方爲四海所依仰豈得遽爾上乃止又按逢堯武后時負鼎詣闕上書自言願

助天子和銍百度有司讓曰昔桀不道伊尹負鼎于湯今天子聖明百司以和尚何所調逢堯不能答

五代史和凝字成績須昌人官侍中子囁字顯仁未成童教誦詩賦輒記不忘凝語囁兄峴曰囁他日必以文顯第五老不及見也汝善保護之登太平興國進士官光祿丞著有疑獄集後擢知制誥水部員外郎

宋史和斌字勝之郵城人爲德順軍指揮使凡五年數扞敵被重傷十餘徙涇原鈐轄斌老於爲將以恩信得邊人心子誥官右成大夫威州刺史知雄州上制勝強遠弓式能破堅



三百步外號鳳凰弓進相州觀察使在鎮十年能傾敵遂興  
取燕之謀

和稽氏見官氏志

和拔氏見官氏志

苛

正字通漢有苛異見印藪

頗

見路史

明史巡撫李維翰趣承瘡赴援承瘡急率副將頗廷相叅將  
蒲世芳遊擊梁汝貴等諸營竝發

阜城縣志頗廷舉頗廷棟皆明時武舉

綏寇紀畧明將頗希牧昇曹文詔逐賊壽陽之東

頗超氏見魏書

河

西秦錄鮮卑疊掘河內率戶五千自魏來降乾歸以河內爲  
疊掘都統按是鮮卑姓也

宋書成帝時餘千人河嶺有膽略捕盧循將韓英有功授本  
邑令

高麗史云顯宗臣河拱辰如契丹營乞班師被留謀歸不屈



爲所殺

氏族畧宋有河瀨紹興進士崇安人

元史以翰林待制河源爲副與郝經使宋在世祖時

甘肅志河源字本清涇州志正統舉人由文安縣知縣擢知

襄陽府天性敦朴行己不妄在任修學宮築大堤更漢江驛

於西城勦叛逆於鄖漳山中全活人民甚眾立峴漢同漢碑

每事務以愛民爲本民愛戴如父母卒葬於襄陽之百丈山

子孫因占籍焉

氏姓謚河清醴泉人宣德中丹陽丞河海康縣舉人正德中

官三水教諭河治清桔陽人嘉靖中歸善縣丞

四川高縣志河漢溟嘉靖二年任高縣訓導

縉紳錄嘉慶時有河天衢直隸人任順德營把總

河只氏見太平寮宇記此姓諸書無今補

河宗氏見穆天子傳此姓諸書無今補

高

南唐書高拯字叔濟歙人保大間爲令善撫綏民民感之

十國春秋高彥史失其世系南唐後主時官池州刺史已而

入爲將軍金陵陷百官多送款迎降彥獨與馬承信承俊帥



壯士數百巷戰力屈而死

氏族畧宋高輔紹興間秀州教授

氏姓謚高崇沂州人正德中崇安縣丞按弇山堂集作高揚  
又有處州舉人高賓東明舉人高光休

湖廣公安縣志高校弘治舉人高文美能世其詩學升教諭  
高文光嘉靖舉人事母成氏孝為巴縣令有惠政所著有擬

陶詩

四川志合州高榮福妻范氏守節

波

見姓謚

靈帝紀黃巾波才右中郎將朱儁為波才所敗後儁大破之  
魏志大月氏王波調

唐書佛菽王波多力貞觀十七年遣使獻赤頗黎綠頗黎

阿文成公年謚緬甸夸人波劣

波斯氏見唐西域傳太平寰宇記

北夢瑣言八府波斯穆昭嗣幼好藥術隨其父謁懷濟乃畫  
一道士乘雲把葫蘆書曰指揮使高牒衙推穆嗣後以醫藥  
有效南平王高從誨與巾裏攝府衙推

波美稅氏見宋史



波大龜氏見佛經

禾 見姓苑

列子范氏之子粵有罷于晉不仕而居三卿之右禾生子伯為其上客出行垆外宿于田叟商丘開之舍中夜禾生子伯二人相昇言子粵之名勢能使存者止止者存富者貧貧者富開潛于牖聽之

氏族畧禾實元祐間知安縣事

科 見姓苑

澍宰四川屏山有民科時泰為福延鄉鄉約

磨 見逸周書

唐書九姓思結都督磨散等來降悉除官遣還

南詔德化碑有大酋望磨侔大將軍磨侔欺

磨離氏此姓諸書無今補

唐書吐蕃相尚婢婢遣磨離罷子將兵拒論恐執其屬燭盧鞏力勸罷子按兵拒險罷子不從而敗

娑 此姓諸書無今補

舊唐書北狄傳奚酋長娑固牟宗天寶五載封昭信王突厥傳突騎施酋長娑葛中宗封金河王



婆

魏書勿吉國遣使人婆非等五百餘人朝獻

婆衍氏見傳餘額複姓錄

南涼錄建和三年呂隆爲沮渠蒙遜所逼遣使乞師利鹿孤引羣臣議之尚書左丞婆衍崙曰今姑臧饑荒殘弊穀石萬錢野無青草資食無取蒙遜千里行師糧運不給使二寇相殘以乘其釁若蒙遜拔姑臧亦不能守適可爲吾取之不宜救也

婆施氏見唐書諸書無此姓今補

舊唐書胡祿達官吐谷渾邪者頡利之母婆施氏之媵臣也頡利初誕以付渾邪頡利死渾邪自刎以殉

婆羅門氏此姓諸書無今補

唐書林 王范鎮龍爲其臣殺而范氏遂絕國人乃立頭黎之婿婆羅門爲王及國人感恩舊主乃廢婆羅門而立頭黎之嫡女爲王

婆和氏此姓諸書無今補

南史宋元嘉二十六年呵羅單國遣長史婆和沙彌獻方物

蹉 此姓諸書無今補



段文昌傳彭濮大酋蹉祿來請立石刊誓修貢獻按蹉一作  
嵯嵯巔是也又作蹉巔此南夷姓郭釗遺書譙蠻首蹉巔以  
侵叛意蹉巔曰元頴不自守數侵吾國我是以報乃與釗修  
好約毋相犯

荷

荷訾氏見魏書

荷丘氏見路史

路史楚有荷丘子或云即苞丘按即何丘氏

窠

此姓諸書無今補

澍主講蘭山書院時有安定生員窠嘉謨受業

鷲

見統謚

按北燕錄魏征南將軍東平公娥清一作鷲青也

度

見海篇

渠縣志宋度洪淳祐四年甲辰留夢交榜進士度萬全紹興  
中進士

氏姓謚萬麻中磁州人度五常任南陽衛指揮按弁山堂別  
集又磁州人度佗容縣進士度盛蒼梧知州度超

按本朝雍正壬子舉人度可權任山東萊蕪知縣康熙時有



恩貢度謀歲貢度振武進士度繪武舉度廷標均渠縣人  
倭 此姓諸書無今補

宋書以安東將軍倭王倭濟進号安東大將軍按此倭王姓  
倭也



